

## श्रीरामचरितम् EoT EovE dnb÷

### श्रीरामचरितम्

श्लोक

कुन्देन्दीवरसुन्दरावतिबलौ विज्ञानधामावुभौ  
शोभाढ्यौ वरधन्विनौ श्रुतिनुतौ गोविप्रवृन्दप्रियौ ।  
मायामानुषरूपिणौ रघुरौ सद्धर्मवर्माँ हितौ  
सीतान्वेषणतत्परौ पथिगतौ भक्तिप्रदौ तौ हि नः ॥१॥  
ब्रह्माम्भोधिसमुद्भवं कलिमलप्रध्वंसनं चाव्ययं  
श्रीमच्छम्भुमुखेन्दुसुन्दरवरे संशोभितं सर्वदा ।  
संसारामयभेषजं सुखकरं श्रीजानकीजीवनं  
धन्यास्ते कृतिनः पिबन्ति सततं श्रीरामनामामृतम् ॥२॥

सोरठा

मुक्ति जन्म महि जानि ग्यान खानि अघ हानि कर  
जहँ बस संभु भवानि सो कासी से  
जरत सकल सुर बृंद बिषम गरल जेहि पान किय ।  
तेहि न भजसि मन मंद को कृपाल संकर सरिस ॥

चौपाई

आगें चले बहुरि रघुराया । रिष्यमूक परवत निअराया ॥  
तहँ रह सचिव सहित सुग्रीवा । आवत देखि अतुल बल सींवा ॥  
अति सभित कह सुनु हनुमाना । पुरुष जुगल बल रूप निधाना ॥  
धरि बटु रूप देखु तैं जा  
पठए बालि होहिं मन मैला । भागों तुरत तजों यह सैला ॥  
बिप्र रूप धरि कपि तहँ गयऊ । माथ नाइ पूछत अस भयऊ ॥  
को तुम्ह स्यामल गौर सरीरा । छत्री रूप फिरहु बन बीरा ॥  
कठिन भूमि कोमल पद गामी । कवन हेतु बिचरहु बन स्वामी ॥  
मृदुल मनोहर सुंदर गाता । सहत दुसह बन आतप बाता ॥  
की तुम्ह तीनि देव महँ कोऊ । नर नारायन की तुम्ह दोऊ ॥

दोहा

जग कारन तारन भव भंजन धरनी भार ।  
की तुम्ह अकिल भुवन पति लीन्ह मनुज अवतार ॥१॥

चौपाई

कोसलेस दसरथ के जाए । हम पितु बचन मानि बन आए ॥  
नाम राम लछिमन दौउ भा

आपन चरित कहा हम गा  
प्रभु पहिचानि परेउ गहि चरना । सो सुख उमा नहिं बरना ॥  
पुलकित तन मुख आव न बचना । देखत रुचिर बेष कै रचना ॥  
पुनि धीरजु धरि अस्तुति कीन्ही । हरष हृदयें निज नाथहि चीन्ही ॥  
मोर न्याउ मैं पूछा सा

तव माया बस फिरउँ भुलाना। ता ते मैं नहिं प्रभु पहिचाना।।

**दोहा** एकु मैं मंद मोहबस कुटिल हृदय अग्यान।  
पुनि प्रभु मोहि विसारेउ दीनबंधु भगवान।।२।।

**चौपाई** जदपि नाथ बहु अवगुन मोरें। सेवक प्रभुहि परै जनि भोरें।।  
नाथ जीव तव मायाँ मोहा। सो निस्तरइ तुम्हारेहिं छोहा।।  
ता पर मैं रघुबीर दोहा  
सेवक सुत पति मातु भरोसैं। रहइ असोच बनइ प्रभु पोसैं।।  
अस कहि परेउ चरन अकुला  
तब रघुपति उठाइ उर लावा। निज लोचन जल सींचि जुड़ावा।।  
सुनु कपि जियँ मानसि जनि ऊना। तैं मम प्रिय लछिमन ते दूना।।  
समदरसी मोहि कह सब कोऊ। सेवक प्रिय अनन्यगति सोऊ।।

**दोहा** सो अनन्य जाकें असि मति न टरइ हनुमंत।  
मैं सेवक सचराचर रूप स्वामि भगवंत।।३।।

**चौपाई** देखि पवन सुत पति अनुकूला। हृदयँ हरष बीती सब सूला।।  
नाथ सैल पर कपिपति रह  
तेहि सन नाथ मयत्री कीजे। दीन जानि तेहि अभय करीजे।।  
सो सीता कर खोज करा  
एहि बिधि सकल कथा समुझा  
जब सुग्रीवँ राम कहँ देखा। अतिसय जन्म धन्य करि लेखा।।  
सादर मिलेउ नाइ पद माथा। भँटेउ अनुज सहित रघुनाथा।।  
कपि कर मन बिचार एहि रीती। करिहहिं बिधि मो सन ए प्रीती।।

**दोहा** तब हनुमंत उभय दिसि की सब कथा सुना  
पावक साखी देइ करि जोरी प्रीती दृढ़ा

**चौपाई** कीन्ही प्रीति कछु बीच न राखा। लछमिन राम चरित सब भाषा।।  
कह सुग्रीव नयन भरि बारी। मिलिहि नाथ मिथिलेसकुमारी।।  
मंत्रिन्ह सहित  
गगन पंथ देखी मैं जाता। परबस परी बहुत बिलपाता।।  
राम राम हा राम पुकारी। हमहि देखि दीन्हेउ पट डारी।।  
मागा राम तुरत तेहिं दीन्हा। पट उर लाइ सोच अति कीन्हा।।  
कह सुग्रीव सुनहु रघुबीरा। तजहु सोच मन आनहु धीरा।।  
सब प्रकार करिहउँ सेवका

**दोहा** सखा बचन सुनि हरषे कृपासिधु बलसीव।  
कारन कवन बसहु बन मोहि कहहु सुग्रीव।।५।।

**चौपाई** नात बालि अरु मैं द्वौ भा  
मय सुत मायावी तेहि नाऊँ। आवा सो प्रभु हमरें गाऊँ।।  
अर्ध राति पुर द्वार पुकारा। बाली रिपु बल सहै न पारा।।

धावा बालि देखि सो भागा। मैं पुनि गयउँ बंधु सँग लागा।।  
गिरिबर गुहाँ पैठ सो जा  
परिखेसु मोहि एक पखवारा। नहिं आवौं तब जानेसु मारा।।  
मास दिवस तहँ रहेउँ खरारी। निसरी रुधिर धार तहँ भारी।।  
बालि हतेसि मोहि मारिहि आइ तहँ चलेउँ परा  
मंत्रिन्ह पुर देखा बिनु सा  
बालि ताहि मारि गृह आवा। देखि मोहि जियँ भेद बढ़ावा।।  
रिपु सम मोहि मारेसि अति भारी। हरि लीन्हेसि सर्वसु अरु नारी।।  
ताकेँ भय रघुबीर कृपाला। सकल भुवन मैं फिरेउँ बिहाला।।

सुनि सेवक दुख दीनदयाला। फरकि उठीं द्वै भुजा बिसाला।।

**दोहा** सुनु सुग्रीव मारिहउँ बालिहि एकहिं बान।  
ब्रम्ह रुद्र सरनागत गएँ न उबरिहिं प्रान।।६।।

**चौपाई** जे न मित्र दुख होहिं दुखारी। तिन्हहि बिलोकत पातक भारी।।  
निज दुख गिरि सम रज करि जाना। मित्रक दुख रज मेरु समाना।।  
जिन्ह केँ असि मति सहज न आ  
कुपथ निवारि सुपंथ चलावा। गुन प्रगटे अवगुनन्हि दुरावा।।  
देत लेत मन संक न धर  
बिपति काल कर सतगुन नेहा। श्रुति कह संत मित्र गुन एहा।।  
आगेँ कह मृदु बचन बना  
जा कर चित अहि गति सम भा  
सेवक सठ नृप कृपन कुनारी। कपटी मित्र सूल सम चारी।।  
सखा सोच त्यागहु बल मोरें। सब बिधि घटब काज मैं तोरें।।  
कह सुग्रीव सुनहु रघुबीरा। बालि महाबल अति रनधीरा।।  
दुंदुभी अस्थि ताल देखराए। बिनु प्रयास रघुनाथ ढहाए।।  
देखि अमित बल बाढ़ी प्रीती। बालि बधव इ परतीती।।  
बार बार नावइ पद सीसा। प्रभुहि जानि मन हरष कपीसा।।  
उपजा ग्यान बचन तब बोला। नाथ कृपाँ मन भयउ अलोला।।  
सुख संपति परिवार बड़ा  
ए सब रामभगति के बाधक। कहहिं संत तब पद अवराधक।।  
सन्नु मित्र सुख दुख जग माहीं। माया कृत परमारथ नाहीं।।  
बालि परम हित जासु प्रसादा। मिलेहु राम तुम्ह समन बिषादा।।  
सपनें जेहि सन होइ लरा  
अब प्रभु कृपा करहु एहि भाँती। सब तजि भजनु करौं दिन राती।।  
सुनि बिराग संजुत कपि बानी। बोले बिहँसि रामु धनुपानी।।  
जो कछु कहेहु सत्य सब सो  
नट मरकट  
लै सुग्रीव संग रघुनाथा। चले चाप सायक गहि हाथा।।  
तब रघुपति सुग्रीव पठावा। गर्जेसि जाइ निकट बल पावा।।  
सुनत बालि क्रोधातुर धावा। गहि कर चरन नारि समुझावा।।  
सुनु पति जिन्हहि मिलेउ सुग्रीवा। ते द्वौ बंधु तेज बल सींवा।।  
कोसलेस सुत लछिमन रामा। कालहु जीति सकहिं संग्रामा।।

- दोहा** कह बालि सुनु भीरु प्रिय समदरसी रघुनाथ ।  
जौं कदाचि मोहि मारहिं तौ पुनि होउँ सनाथ ॥७॥
- चौपाई** अस कहि चला महा अभिमानी । तू न समान सुग्रीवहि जानी ॥  
भिरे उभौ बाली अति तर्जा । मुठिका मारि महाधुनि गर्जा ॥  
तब सुग्रीव बिकल होइ भागा । मुष्टि प्रहार बज्र सम लागा ॥  
मैं जो कहा रघुवीर कृपाला । बंधु न होइ मोर यह काला ॥  
एकरूप तुम्ह भ्राता दोऊ । तेहि भ्रम तें नहिं मारेउँ सोऊ ॥  
कर परसा सुग्रीव सररीरा । तनु भा कुलिस ग  
मेली कंठ सुमन कै माला । पठवा पुनि बल देइ बिसाला ॥  
पुनि नाना बिधि भ
- दोहा** बहु छल बल सुग्रीव कर हिं हारा भय मानि ।  
मारा बालि राम तब हृदय माझ सर तानि ॥८॥
- चौपाई** परा बिकल महि सर के लागें । पुनि उठि बैठ देखि प्रभु आगें ॥  
स्याम गात सिर जटा बनाएँ । अरुन नयन सर चाप चढ़ाएँ ॥  
पुनि पुनि चितइ चरन चित दीन्हा । सुफल जन्म माना प्रभु चीन्हा ॥  
हृदयें प्रीति मुख बचन कठोरा । बोला चितइ राम की ओरा ॥  
धर्म हेतु अवतरेहु गोसा  
मैं बैरी सुग्रीव पिआरा । अवगुन कवन नाथ मोहि मारा ॥  
अनुज बधू भगिनी सुत नारी । सुनु सठ कन्या सम ए चारी ॥  
इ जो  
मुढ़ तोहि अतिसय अभिमाना । नारि सिखावन करसि न काना ॥  
मम भुज बल आश्रित तेहि जानी । मारा चहसि अधम अभिमानी ॥
- दोहा** सुनुहु राम स्वामी सन चल न चातुरी मोरि ।  
प्रभु अजहूँ मैं पापी अंतकाल गति तोरि ॥९॥
- चौपाई** सुनत राम अति कोमल बानी । बालि सीस परसेउ निज पानी ॥  
अचल करौं तनु राखहु प्राणा । बालि कहा सुनु कृपानिधाना ॥  
जन्म जन्म मुनि जतनु कराहीं । अंत राम कहि आवत नाहीं ॥  
जासु नाम बल संकर कासी । देत सबहि सम गति अविनासी ॥  
मम लोचन गोचर सोइ आवा । बहुरि कि प्रभु अस बनिहि बनावा ॥
- छंद** सो नयन गोचर जासु गुन नित नेति कहि श्रुति गावहीं ।  
जिति पवन मन गो निरस करि मुनि ध्यान कबहुँक पावहीं ॥  
मोहि जानि अति अभिमान बस प्रभु कहेउ राखु सररीरही ।  
अस कवन सठ हठि काटि सुरतरु बारि करिहि बबूरही ॥१॥  
अब नाथ करि करुना बिलोकहु देहु जो बर मागऊँ ।  
जेहिं जोनि जन्मौं कर्म बस तहँ राम पद अनुरागऊँ ॥  
यह तनय मम सम बिनय बल कल्याणप्रद प्रभु लीजिए ।  
गहि बाहँ सुर नर नाह आपन दास अंगद कीजिए ॥२॥

दोहा राम चरन दृढ़ प्रीति करि बालि कीन्ह तनु त्याग।  
सुमन माल जिमि कंठ ते गिरत न जानइ नाग॥१०॥

चौपाई राम बालि निज धाम पठावा। नगर लोग सब ब्याकुल धावा॥  
नाना बिधि बिलाप कर तारा। छूटे केस न देह सँभारा॥  
तारा बिकल देखि रघुराया। दीन्ह ग्यान हरि लीन्ही माया॥  
छिति जल पावक गगन समीरा। पंच रचित अति अधम सरीरा॥  
प्रगट सो तनु तव आगें सोवा। जीव नित्य केहि लगि तुम्ह रोवा॥  
उपजा ग्यान चरन तब लागी। लीन्हेसि परम भगति बर मागी॥  
उमा दारु जोषित की ना  
तब सुग्रीवहि आयसु दीन्हा। मृतक कर्म बिधिबत सब कीन्हा॥  
राम कहा अनुजहि समुझा  
रघुपति चरन नाइ करि माथा। चले सकल प्रेरित रघुनाथा॥

दोहा लछिमन तुरत बोलाए पुरजन बिप्र समाज।  
राजु दीन्ह सुग्रीव कहँ अंगद कहँ जुबाराज॥११॥

चौपाई उमा राम सम हित जग माहीं। गुरु पितु मातु बंधु प्रभु नाहीं॥  
सुर नर मुनि सब कै यह रीती। स्वारथ लागि करहिं सब प्रीती॥  
बालि त्रास ब्याकुल दिन राती। तन बहु ब्रन चिंतौं जर छाती॥  
सोइ सुग्रीव कीन्ह कपिराऊ। अति कृपाल रघुबीर सुभाऊ॥  
जानतहुँ अस प्रभु परिहरहीं। काहे न बिपति जाल नर परहीं॥  
पुनि सुग्रीवहि लीन्ह बोला  
कह प्रभु सुनु सुग्रीव हरीसा। पुर न जाउँ दस चारि बरीसा॥  
गत ग्रीषम बरषा रितु आ  
अंगद सहित करहु तुम्ह राजू। संतत हृदय धरेहु मम काजू॥  
जब सुग्रीव भवन फिरि आए। रामु प्रबरषन गिरि पर छाए॥

दोहा प्रथमहिं देवन्ह गिरि गुहा राखेउ रुचिर बना  
राम कृपानिधि कछु दिन बास करहिंगे आ

चौपाई सुंदर बन कुसुमित अति सोभा। गुंजत मधुप निकर मधु लोभा॥  
कंद मूल फल पत्र सुहाए। भए बहुत जब ते प्रभु आए ॥  
देखि मनोहर सैल अनूपा। रहे तहँ अनुज सहित सुरभूपा॥  
मधुकर खग मृग तनु धरि देवा। करहिं सिद्ध मुनि प्रभु कै सेवा॥  
मंगलरुप भयउ बन तब ते। कीन्ह निवास रमापति जब ते॥  
फटिक सिला अति सुभ्र सुहा  
कहत अनुज सन कथा अनेका। भगति बिरति नृपनीति बिबेका॥  
बरषा काल मेघ नभ छाए। गरजत लागत परम सुहाए॥

दोहा लछिमन देखु मोर गन नाचत वारिद पैखि।  
गृही बिरति रत हरष जस बिष्णु भगत कहँ देखि॥१३॥

चौपाई घन घमंड नभ गरजत घोरा। प्रिया हीन डरपत मन मोरा॥

दामिनि दमक रह न घन माहीं। खल कै प्रीति जथा थिर नाहीं।।  
बरषहिं जलद भूमि निअराएँ। जथा नवहिं बुध बिद्या पाएँ।।  
बूंद अघात सहहिं गिरि कैंसें। खल के बचन संत सह जैसें।।  
छुद्र नदी भरि चलीं तोराइतरा  
भूमि परत भा ढाबर पानी। जनु जीवहि माया लपटानी।।  
समिति समिति जल भरहिं तलावा। जिमि सदगुन सज्जन पहिं आवा।।  
सरिता जल जलनिधि महुँ जा

**दोहा** हरित भूमि तृन संकुल समुझि परहिं नहिं पंथ।  
जिमि पाखंड बाद तें गुप्त होहिं सदग्रंथ।।१४।।

**चौपाई** दादुर धुनि चहु दिसा सुहा  
नव पल्लव भए बिटप अनेका। साधक मन जस मिलें बिबेका।।  
अर्क जबास पात बिनु भयऊ। जस सुराज खल उद्यम गयऊ।।  
खोजत कतहुँ मिलइ नहिं धूरी। करइ क्रोध जिमि धरमहि दूरी।।  
ससि संपन्न सोह महि कैसी। उपकारी के संपति जैसी।।  
निसि तम घन खद्योत बिराजा। जनु दंभिन्ह कर मिला समाजा।।  
महाबृष्टि चलि फूटि किआरी। जिमि सुतंत्र भएँ बिगरहिं नारीं।।  
कृषी निरावाहिं चतुर किसाना। जिमि बुध तजहिं मोह मद माना।।  
देखिअत चक्रवाक खग नाहीं। कलिहिं पाइ जिमि धर्म पराहीं।।  
ऊषर बरषइ तृन नहिं जामा। जिमि हरिजन हियेँ उपज न कामा।।  
बिबिध जंतु संकुल महि भ्राजा। प्रजा बाढ़ जिमि पाइ सुराजा।।  
जहँ तहँ रहे पथिक थकि नाना। जिमि

**दोहा** कबहुँ प्रबाल बह मारुत जहँ तहँ मेघ बिलाहिं।  
जिमि कपूत के उपजेँ कुल सद्धर्म नसाहिं।।१५(क)।।  
कबहुँ दिवस महुँ निबिड़ तम कबहुँक प्रगट पतंग।  
बिनसइ उपजइ ग्यान जिमि पाइ कुसंग सुसंग।।१५(ख)।।

**चौपाई** बरषा बिगत सरद रितु आ  
फूलें कास सकल महि छा  
उदित अगस्ति पंथ जल सोषा। जिमि लोभहि सोषइ संतोषा।।  
सरिता सर निर्मल जल सोहा। संत हृदय जस गत मद मोहा।।  
रस रस सूख सरित सर पानी। ममता त्याग करहिं जिमि ग्यानी।।  
जानि सरद रितु खंजन आए। पाइ समय जिमि सुकृत सुहाए।।  
पंक न रेनु सोह असि धरनी। नीति निपुन नृप कै जसि करनी।।  
जल संकोच बिकल भ  
बिनु धन निर्मल सोह अकासा। हरिजन  
कहुँ कहुँ बृष्टि सारदी थोरी। कोउ एक पाव भगति जिमि मोरी।।

**दोहा** चले हरषि तजि नगर नृप तापस बनिक भिखारि।  
जिमि हरिभगत पाइ श्रम तजहि आश्रमी चारि।।१६।।

**चौपाई** सुखी मीन जे नीर अगाधा। जिमि हरि सरन न एकउ बाधा।।

फूलें कमल सोह सर कैसा। निर्गुन ब्रह्म सगुन भएँ जैसा।।  
गुंजत मधुकर मुखर अनूपा। सुंदर खग रव नाना रूपा।।  
चक्रबाक मन दुख निसि पैखी। जिमि दुर्जन पर संपति देखी।।  
चातक रटत तृषा अति ओही। जिमि सुख लहइ न संकरदोही।।  
सरदातप निसि ससि अपहर  
देखि  
मसक दंस बीते हिम त्रासा। जिमि द्विज द्रोह किएँ कुल नासा।।

**दोहा** भूमि जीव संकुल रहे गए सरद रितु पा  
सदगुर मिले जाहिं जिमि संसय भ्रम समुदा

**चौपाई** बरषा गत निर्मल रितु आ  
एक बार कैसेहुँ सुधि जानौं। कालहु जीत निमिष महुँ आनौं।।  
कतहुँ रहउ जौं जीवति हो  
सुग्रीवहुँ सुधि मोरि बिसारी। पावा राज कोस पुर नारी।।  
जेहिं सायक मारा मैं बाली। तेहिं सर हतौं मूढ़ कहँ काली।।  
जासु कृपाँ छूटहीं मद मोहा। ता कहँ उमा कि सपनेहुँ कोहा।।  
जानहिं यह चरित्र मुनि ग्यानी। जिन्ह रघुबीर चरन रति मानी।।  
लछिमन क्रोधवंत प्रभु जाना। धनुष चढ़ाइ गहे कर बाना।।

**दोहा** तब अनुजहि समुझावा रघुपति करुना सीव।।  
भय देखाइ लै आवहु तात सखा सुग्रीव।।१८।।

**चौपाई** निकट जाइ चरनन्हि सिरु नावा। चरिहु बिधि तेहि कहि समुझावा।।  
सुनि सुग्रीवँ परम भय माना। बिषयँ मोर हरि लीन्हेउ ग्याना।।  
अब मारुतसुत दूत समूहा। पठवहु जहँ तहँ बानर जूहा।।  
कहहु पाख महुँ आव न जो  
तब हनुमंत बोलाए दूता। सब कर करि सनमान बहूता।।  
भय अरु प्रीति नीति देखा  
एहि अवसर लछिमन पुर आए। क्रोध देखि जहँ तहँ कपि धाए।।

**दोहा** धनुष चढ़ाइ कहा तब जारि करउँ पुर छार।  
ब्याकुल नगर देखि तब आयउ बालिकुमार।।१९।।

**चौपाई** चरन नाइ सिरु बिनती कीन्ही। लछिमन अभय बाँह तेहि दीन्ही।।  
क्रोधवंत लछिमन सुनि काना। कह कपीस अति भयँ अकुलाना।।  
सुनु हनुमंत संग लै तारा। करि बिनती समुझाउ कुमारा।।  
तारा सहित जाइ हनुमाना। चरन बंदि प्रभु सुजस बखाना।।  
करि बिनती मंदिर लै आए। चरन पखारि पलंग बैठाए।।  
तब कपीस चरनन्हि सिरु नावा। गहि भुज लछिमन कंठ लगावा।।  
नाथ बिषय सम मद कछु नाहीं। मुनि मन मोह करइ छन माहीं।।  
सुनत बिनती बचन सुख पावा। लछिमन तेहि बहु बिधि समुझावा।।  
पवन तनय सब कथा सुना

दोहा हरषि चले सुग्रीव तब अंगदादि कपि साथ ।  
रामानुज आगे करि आए जहँ रघुनाथ ॥२०॥

चौपाई नाइ चरन सिरु कह कर जोरी । नाथ मोहि कछु नाहिन खोरी ॥  
अतिसय प्रबल देव तब माया । छूटइ राम करहु जौं दया ॥  
बिषय बस्य सुर नर मुनि स्वामी । मैं पावँर पसु कपि अति कामी ॥  
नारि नयन सर जाहि न लागा । घोर क्रोध तम निसि जो जागा ॥  
लोभ पाँस जेहिं गर न बँधाय । सो नर तुम्ह समान रघुराया ॥  
यह गुन साधन तें नहिं होइ को  
तब रघुपति बोले मुसका  
अब सोइ जतनु करहु मन ला

दोहा एहि विधि होत बतकही आए बानर जूथ ।  
नाना बरन सकल दिसि देखिअ कीस बरुथ ॥२१॥

चौपाई बानर कटक उमा में देखा । सो मूरुख जो करन चह लेखा ॥  
आइ राम पद नावहिं माथा । निरखि बदनु सब होहिं सनाथा ॥  
अस कपि एक न सेना मारीं । राम कुसल जेहिं पूछी नारीं ॥  
यह कछु नहिं प्रभु कइ अधिका  
ठाढ़े जहँ तहँ आयसु पा  
राम काजु अरु मोर निहोरा । बानर जूथ जाहु चहुँ ओरा ॥  
जनकसुता कहँ खोजहु जा  
अवधि मेटि जो बिनु सुधि पाएँ । आवइ बनिहि सो मोहि मराएँ ॥

दोहा बचन सुनत सब बानर जहँ तहँ चले तुरंत ।  
तब सुग्रीवँ बोलाए अंगद नल हनुमंत ॥२२॥

चौपाई सुनहु नील अंगद हनुमाना । जामवंत मतिधीर सुजाना ॥  
सकल सुभट मिलि दच्छिन जाहू । सीता सुधि पूँछेउ सब काहू ॥  
मन क्रम बचन सो जतन बिचारेहु । रामचंद्र कर काजु सँवारेहु ॥  
भानु पीठि से  
तजि माया से  
देह धरे कर यह फलु भा  
सोइ गुनगय सो  
आयसु मागि चरन सिरु ना  
पाछें पवन तनय सिरु नावा । जानि काज प्रभु निकट बोलावा ॥  
परसा सीस सरोरुह पानी । करमुद्रिका दीन्हि जन जानी ॥  
बहु प्रकार सीतहि समुझाएहु । कहि बल विरह बेगि तुम्ह आएहु ॥  
हनुमत जन्म सुफल करि माना । चलेउ हृदयँ धरि कृपानिधाना ॥  
जद्यपि प्रभु जानत सब बाता । राजनीति राखत सुरत्राता ॥

दोहा चले सकल बन खोजत सरिता सर गिरि खोह ।  
राम काज लयलीन मन विसरा तन कर छोह ॥२३॥



**चौपाई**  
कतहूँ होइ निसिचर सैं भेटा। प्रान लेहिं एक एक चपेटा।।  
बहु प्रकार गिरि कानन हेरहिं। कोउ मुनि मिलत ताहि सब घेरहिं।।  
लागि तृषा अतिसय अकुलाने। मिलइ न जल घन गहन भुलाने।।  
मन हनुमान कीन्ह अनुमाना। मरन चहत सब बिनु जल पाना।।  
चढ़ि गिरि सिखर चहूँ दिसि देखा। भूमि बिबिबि एक कौतुक पेखा।।  
चक्रबाक बक हंस उड़ाहीं। बहुतक खग प्रबिसहिं तेहि माहीं।।  
गिरि ते उतरि पवनसुत आवा। सब कहूँ लै सोइ बिबर देखावा।।  
आगें कै हनुमंतहि लीन्हा। पैठे बिबर बिलंबु न कीन्हा।।

**दोहा**  
**दीख जाइ उपवन बर सर विगसित बहु कंज।**  
**मंदिर एक रुचिर तहँ बैठि नारि तप पुंज।।२४।।**

**चौपाई**  
दूरि ते ताहि सबन्हि सिर नावा। पूछें निज वृत्तांत सुनावा।।  
तेहिं तब कहा करहु जल पाना। खाहु सुरस सुंदर फल नाना।।  
मज्जनु कीन्ह मधुर फल खाए। तासु निकट पुनि सब चलि आए।।  
तेहिं सब आपनि कथा सुना  
मूदहु नयन बिबर तजि जाहू। पैहहु सीतहि जनि पछिताहू।।  
नयन मूदि पुनि देखहिं बीरा। ठाढ़े सकल सिंधु कें तीरा।।  
सो पुनि गइ कमल पद नाएसि माथा।।  
नाना भाँति बिनय तेहिं कीन्ही। अनपायनी भगति प्रभु दीन्ही।।

**दोहा**  
**बदरीबन कहुँ सो ग**  
**उर धरि राम चरन जुग जे बंदत अज**

**चौपाई**  
सब मिलि कहहिं परस्पर बाता। बिनु सुधि लएँ करब का भ्राता।।  
कह अंगद लोचन भरि बारी। दुहूँ प्रकार भइ मृत्यु हमारी।।  
पिता बधे पर मारत मोही। राखा राम निहोर न ओही।।  
पुनि पुनि अंगद कह सब पाहीं। मरन भयउ कछु संसय नाहीं।।  
अंगद बचन सुनत कपि बीरा। बोलि न सकहिं नयन बह नीरा।।  
छन एक सोच मगन होइ रहे। पुनि अस वचन कहत सब भए।।  
हम सीता के सुधि लिन्हें बिना। नहिं जैहें जुबराज प्रबीना।।  
अस कहि लवन सिंधु तट जा  
जामवंत अंगद दुख देखी। कहिं कथा उपदेस बिसेषी।।  
तात राम कहुँ नर जनि मानहु। निर्गुन ब्रम्ह अजित अज जानहु।।

**दोहा**  
**निज इ सुर महि गो द्विज लागि।**  
**सगुन उपासक संग तहँ रहहिं मोच्छ सब त्यागि।।२६।।**

**चौपाई**  
एहि बिधि कथा कहहि बहु भाँती गिरि कंदराँ सुनी संपाती।।  
बाहेर होइ देखि बहु कीसा। मोहि अहार दीन्ह जगदीसा।।  
आजु सबहि कहुँ भच्छन करऊँ। दिन बहु चले अहार बिनु मरऊँ।।  
कबहुँ न मिल भरि उदर अहारा। आजु दीन्ह बिधि एकहिं बारा।।

डरपे गीध बचन सुनि काना। अब भा मरन सत्य हम जाना।।  
कपि सब उठे गीध कहँ देखी। जामवंत मन सोच बिसेषी।।  
कह अंगद बिचारि मन माहीं। धन्य जटायू सम कोउ नाहीं।।  
राम काज कारन तनु त्यागी। हरि पुर गयउ परम बड़ भागी।।  
सुनि खग हरष सोक जुत बानी। आवा निकट कपिन्ह भय मानी।।  
तिन्हहि अभय करि पूछेसि जा  
सुनि संपाति बंधु कै करनी। रघुपति महिमा बधुबिधि बरनी।।

**दोहा** मोहि लै जाहु सिंधुतट देउँ तिलांजलि ताहि ।  
बचन सहाइ करवि मैं पैहहु खोजहु जाहि ।।२७।।

**चौपाई** अनुज क्रिया करि सागर तीरा। कहि निज कथा सुनहु कपि बीरा।।  
हम द्वौ बंधु प्रथम तरुना  
तेज न सहि सक सो फिरि आवा। मै अभिमानी रबि निअरावा।।  
जरे पंख अति तेज अपारा। परेउँ भूमि करि घोर चिकारा।।  
मुनि एक नाम चंद्रमा ओही। लागी दया देखी करि मोही।।  
बहु प्रकार तेंहि ग्यान सुनावा। देहि जनित अभिमानी छड़ावा।।  
त्रेताँ ब्रह्म मनुज तनु धरिही। तासु नारि निसिचर पति हरिही।।  
तासु खोज पठ  
जमिहहि पंख करसि जनि चिंता। तिन्हहि देखाइ देहेसु तैं सीता।।  
मुनि कइ गिरा सत्य भइ आजू। सुनि मम बचन करहु प्रभु काजू।।  
गिरि त्रिकूट ऊपर बस लंका। तहँ रह रावन सहज असंका।।  
तहँ असोक उपवन जहँ रह

**दोहा** मैं देखउँ तुम्ह नाहि गीघहि दष्टि अपार।।  
बूढ भयउँ न त करतेउँ कछुक सहाय तुम्हार।।२८।।

**चौपाई** जो नाघइ सत जोजन सागर। करइ सो राम काज मति आगर।।  
मोहि बिलोकि धरहु मन धीरा। राम कृपाँ कस भयउ सरीरा।।  
पापिउ जा कर नाम सुमिरहीं। अति अपार भवसागर तरहीं।।  
तासु दूत तुम्ह तजि कदरा  
अस कहि गरुड़ गीध जब गयऊ। तिन्ह कें मन अति बिसमय भयऊ।।  
निज निज बल सब काहूँ भाषा। पार जाइ कर संसय राखा।।  
जरठ भयउँ अब कहइ रिछेसा। नहिं तन रहा प्रथम बल लेसा।।  
जबहिं त्रिविक्रम भए खरारी। तब मैं तरुन रहेउँ बल भारी।।

**दोहा** बलि बाँधत प्रभु बाढेउ सो तनु बरनि न जा  
उभय धरी महँ दीन्ही सात प्रदच्छिन धा

**चौपाई** अंगद कहइ जाउँ मैं पारा। जियँ संसय कछु फिरती बारा।।  
जामवंत कह तुम्ह सब लायक। पठ  
कहइ रीछपति सुनु हनुमाना। का चुप साधि रहेहु बलवाना।।  
पवन तनय बल पवन समाना। बुधि बिबेक विग्यान निधाना।।  
कवन सो काज कठिन जग माहीं। जो नहिं होइ तात तुम्ह पाहीं।।

राम काज लंग तब अवतारा। सुनतहिं भयउ पर्वताकारा ॥  
कनक बरन तन तेज बिराजा। मानहु अपर गिरिन्ह कर राजा ॥  
सिंहनाद करि बारहिं बारा। लीलहीं नाषउँ जलनिधि खारा ॥  
सहित सहाय रावन्हि मारी। आनउँ  
जामवंत मैं पूँछउँ तोही। उचित सिखावनु दीजहु मोही ॥  
एतना करहु तात तुम्ह जा  
तब निज भुज बल राजिव नैना। कौतुक लागि संग कपि सेना ॥

छंद -कपि सेन संग सँघारि निसिचर रामु सीतहि आनिहैं।  
त्रैलोक पावन सुजसु सुर मुनि नारदादि बखानिहैं ॥  
जो सुनत गावत कहत समुझत परम पद नर पाव  
रघुबीर पद पाथोज मधुकर दास तुलसी गाव

दोहा भव भेषज रघुनाथ जसु सुनहि जे नर अरु नारि।  
तिन्ह कर सकल मनोरथ सिद्ध करिहि त्रिसिरारि ॥३०(क) ॥

सोरठा नीलोत्पल तन स्याम काम कोटि सोभा अधिक।  
सुनिअ तासु गुन ग्राम जासु नाम अघ खग बधिक ॥३०(ख) ॥